

Pol Mon Pilipai Wumb Połpu Kindim

Pol Pipe Połpu Pilipai Wumb Mulnjung Konu Ełe Kindim

1 ¹Pol kin Timosii tel Krai Jisas nge kongun wu mołpuł kin, pepe ei połpuł kin, enim Gos nge wumb Pilipai konu ełe wumb mołmun. Enim Krai Jisas kin dambiltik ende puk mulnjung wumb ei ni, tep er mołumun wumb ni, men ngii kongun ełmin wumb enim pei sił pipe ei ngopuł kindmbił.

²Sinim nge Erinjpin Gos ni, Owundu Jisas Krai oui enim kin noman emin wii enim ngang kin, enim noman emin ka seng mułngii.

Pol Noman Ka Piipi Gos Ngum

³Kunum kunum ełe, na enim kin piip kin, Gos kin noman ka piip ngoł. ⁴Na enim kin kunum kunum Gos kin prei erip kunum ei, na ka piip ngond. ⁵Nimbił erang enim na Gos kongun enjingił mił, kumb se paki toł ni, pe paki tumun ku. ⁶Yi mił erang, na piip poru nind ei, yi mił pałim. Gos enim noman tuk ełe kin, kongun ka wii enim kin pułngun mondpu erim. Gos eim kongun ei, erpi pang kin, Jisas Krai kunum Owundu simba kunum ei, poru nimba. ⁷Pe na noman yi mił piip kin, enim ngond ei, kapłi kun ka minj mołum. Nimbił erang na enim kin noman ka ngoł. Ei yi mił, enim pei Gos nge noman ka ei, na kin ngum ei, enim pei na kin noman ka oui sinjing. Kunum tał pei, na kan ngii ełe mult kunum ei ni, kunum ei na Gos ek ka ni tor kindip ełe nge, dinga angip endinj. Kunum ełe, enim na kin oui erik kin, paki tok mulnjung. ⁸Gos mendpił eim kanpi piinim ei, na ek keimi mendpił nip, yi mił ngond. Na noman dinga kindip op kin, enim kenmbii ni piip mił piinand mon. Na noman ka ngołum oł ei, enim kin ngop ełe, Jisas Krai na kin ngum.

⁹Na enim kin Gos prei erip kin, kii sip ngop ei, yi mił, Na prei erip kin, enim nge noman ka wumb kin ngołum oł ei, dinga tonu ok, nga enim noman ka wii keimi ni, oł kun ka ełmin oł ei piik kin, kun erngii ku. ¹⁰Ei mił, en enim kapłi oł kun ka ełmin oł ei, mok tok kin, piik

kun ka mendpił erngii. Nga Kraiſ omba kunum owundu ęte, enim Kraiſ ningił ęte, oł kun ka wii molk kin, oł kiſ endi enim kin mulerngii mon. ¹¹Mułangin kin, Kraiſ Jiisas eim enim kin oł kun ka ei, enim andan topu erang kin, oł kun ka oł ei, enim noman tuk ęte kin, am piki top mułmba ei mułang kin, enim Gos nge embe ambił tonu kindngii ei, am ei tonu pupu pimba.

Pol Kan Ngii ęte Pim Ei, Gos Ek Ka Paki Mił Tum

¹²Engnan noł! Na noman piip mił ei, enim piingii ei, oł embin tui na kin tonu om ei, ek ka nge andłam ei, ondu ngunerim mon! Ei ek ka ei am pengii; wumb piinjing ni, oł yi mił erim. ¹³Oł yi mił erim ei, Sisa ngii ęte tep er mołmun wumb, opu wu ombu ni, nga wumb eipi pei ya mołmun wumb ei, na Jiisas Kraiſ nge kongun wu ęte nge, kan ngii pir ei, wumb na piinjing ku. ¹⁴Wumb ombu, na kan ngii pinj ei, piik kin, poru ninjing. Yi erang, enginjpin noł kombur pei, Owundu kin pii gii ninmin ku. Nga en enim nge noman ęte dinga ſik kin, mund mong ei ſi kindik kin, am Gos nge ek ka ei, am nik dinga kindik endnjing.

¹⁵Keimi, wumb kombur na embe punum nik kin, na kin noman kiſ piinjing. Piik kin, na to mani kindmin nik enjing. Pe oł ęte nge, Kraiſ eim ek ei ni tor kindnjing. Nga wumb kombur na Pol kin, noman ka piik ngok kin, Kraiſ nge ek ka ni tor kindik kin, paki tok ęłmin ku. ¹⁶Nga wu ombu piinmin, na ya kan ngii mołup kin, dinga kindip, opu orung mił erip, Gos nge ek ka dinga ni tor kindip mił ei piik kin, na noman ngonmun. Ngok kin, ek ka ei ni tor kindiłmin. ¹⁷Ba wumb kombur en enim nge embe ęte nge, piik niłmin. Nga Kraiſ nge ek niłmin ei, noman kun pałim mił ei, ni tor kindnałmin mon. Na kan pir ek embin tui ombu tui mił, nik tuk kindik kin, oł yi mił ęłmin.

¹⁸Pe nga ei epi nipe? Ei minj oł pei ęłmin ei, oł keimi mendpił min, oł kend yi mił ęłmin ku. Ei nge nik kin, Kraiſ nge ek ka ei, nik wumb ngołmun. Oł ęte nge na ka piind. Ei am ka minj piimbii.

Pe Na Konj Muls Kin, Kraiſ Kin Ouni Mułmbii

¹⁹Nimbił erang na piip poru ninj ei, enim kunum kunum prei erik kin, na paki to ngołmun. Ngangin kin, Jiisas Kraiſ nge Gui Ka ei nge, dinga na ngołum. Pe na piind epi ei, tonu onum ei, na paki tang kin, na am ka wii mułmbii. ²⁰Pe yi mił erang kin, epi ei tonu omba ni, ka piip moł ek ei, ek ka wii tonu omba ęte nge, kui er moł. Ei tonu wang kin, ei nge na ek nip tor kindinj na ſingambił kulermbii mon! Ermbii oł ei yi mił, na nam ęte oł ei, yi ku, erip mułmbii. Mułamb kin, pe na konj mułmbii kunum min, kułmbii kunum ei, na nge ngenj ei, Kraiſ nge embe ęte tonu omba. ²¹Keimi, na nge noman ęte yi mił pałim. Pe na noman ei konj ka pep nim kin, na Kraiſ nge embe ambił tonu kindmbii ei kapłi. Ba pe,

nga na kuls kin, na epin konu ɛte noman konj simbii ei, ka wii mendpiɛ.
 22 Nga na ya mei ɛte konj muls kin, na kongun end kongun ei, epi keimi tonu omba. Ba na nipe andɔam endi ekii sip ermbii ei, na piinand. 23-24 Na nam noman tuk ɛte taɔ paɔim. Na koɔup pup kin, Krai kin epin konu ɛte ouni muɔmbii ei, am ka wii. Ba na enim kin ya mei ɛte muls kin, ei nga na enim paki tumbii ei, ka wii ku. 25 Na pii gii dinga nip kin, na piip poru ninj ei, nga na enim kin ouni muɔup kin, enim paki tamb kin, enim pii gii dinga nik kin, ka wii piik muɔngii. 26 Yi miɔ paɔim ei piip kin, na nga op enim kin ombii. Nga enim na kin ka piik kin, Krai nge embe ambiɔ tonu kindngii.

Pilipai Wumb Enim Pol Kin Tep Tok Ende Pu Molk Opu Erngii

27 Ba enim andɔam endngii oɔ ei, am kun ka erik andik kin, Jiisas Krai nge ek ka ɛte miɔ, ekii sik wumb eipi andan tok, yi miɔ erngii. Nga na op enim kenmbii min, nga na enim kin onermbii min, ei epi wii miɔ, ba na enim nge ek ei piimbii ɛte ei, enim noman ende sek kin dinga angk muɔangin kin piimbii. Molk kin, noman ende sek kin, wumb paki tok, kongun dinga erik yi erangin kin, Krai nge ek ka ɛte, pii gii dinga nik muɔngii. 28 Na piimbii end ek ei, enim nge opu orung wumb ek endi ningii ei, mund mong enenjing. Pe enim mund mong enenjing kin, pe wumb en enim piingii ei, en enim dup konu kis ɛte ngenj kumbii kis singii. Ba Gos enim andan yi miɔ tumba ei, Gos eim erang kin, enim sipi orung simba. 29 Nimbiɔ erang Gos enim Krai nge kongun ka erngii nipi kin, enim noman ka ngum. Enim Krai kin pii gii ningii nge nip kin, eim dinga ɛte mendpiɛ ngunerim mon; ba enim Krai nge embe ɛte, ngenj kumbii singii nipi kin, enim eim dinga ngum ku. 30 Na pii gii ɛte nge, ok opu dinga erir ei, enim kenik. Pe nga na opu end miɔ ɛte nge, ei enim piinmin. Pe enim piinmin ei, na opu end miɔ oɔ ei, sinim ouni tep topun er muɔmun.

Sin Sinim Nge Noman ɛte To Mani Kindpin Enginjpin Noɔ Noman Ngumun

2 1 Pe enim Krai kin moɔmun ei eim kin, noman tuk ɛte dinga siɔmin min? Pe enim eim noman ka sik piik kin, enim noman emin ka moɔmun min? Enim Gos Gui Ka nge noman konj ɛte, ende moɔmun min? Nga enim wumb eipi kin noman ngok, kaimb sik, yi ɛmin min mon? 2 Pe yi miɔ pim kin, pe enim na kin noman ka mendpiɛ piik ngungii ei nge, tonu omba oɔ yi miɔ paɔim. Enim noman ende sik kin, wumb eipi kin noman ka ngok ei, oɔ endeim mendpiɛ pimba. Peng kin, noman ende sek muɔngii. 3 En enim noman ɛte, embe wii ambiɔ tonu kindnerngii mon! En enim noman ɛte, to mani kindik kin, nga wumb eipi nge embe, to tonu kindngii wumb ei, ka wii ni piik erngii. 4 En enim nge noman ɛte epi ei

mendpił, tep er mulerngii mon! Ba enim wumb eipi nge noman ełe, epi ei tep ka er mułngii ku.

**Krais Eim Embe To Mani Kindang Kin Gos
Eim Embe Ambil Tonu Kindim**

⁵Krais Jiisas nge noman endeim sirim mił ei nge, enim noman ende yi mił mendpił singii.

⁶Kumb ok, Jiisas Gos kin ende mendpił multum. Ba Jiisas eim Gos nge noman dinga tep er mołum oł ei nge, dinga ambil gii ni piinerim mon. Eim Gos kin ekii sipi kin, mandring mułum. ⁷Mon! Eim nge oł dinga ei si kindpi kin, nga eim mei wu mił mani om. Opu kin, eim kongun wu wii mił, yi er mułum. ⁸Wumb kenjing ei, eim mei wu mił mendpił mułum. Eim nge noman ełe embe ei, to mani kindim. Kindpi kin, Gos nge noman ełe ekii sipi erim. Oł yi nge pepi pang kin, eim kułum kunum ei, poru nim. Pepi pang kin, keimi ond peri ełe kułum. ⁹Kułang ełe nge mendpił, Gos Jiisas nga konj sipi kin, eim to tonu mendpił kind mundum. Nga Gos eim embe ka wii mendpił endi ngum ei, wumb nge embe pei to mani kindim. ¹⁰Kindrim embe ei, Jiisas pa nipi ngum. Ngang embe ei, tonu epin konu ełe wumb ni, ya mei ełe wumb ni, mei mandring ełe wumb ni, wumb ni pei, Jiisas eim endeim ambil tonu kindngii. Kindik kin, nga mong gopsing pii polk kin, eim embe ełe ek ka nik kin, eim nge embe ambil tonu kindngii. ¹¹Wumb pei gupu ełe ek yi mił ningii. “Jiisas Kraiss ei Owundu,” pa ningii. Yi mił nengin kin, Erinjpin Gos nge embe ei am tonu ba.

Enim Tiłang Mił Tuk Wumb Pei Kin Mułngii

¹²Kaplı, na nge wumb puł ei yi mił, ok na enim ek ninj ekii sinjing ei, pe yi mił ku erngii. Na enim kin muls kunum ełe, enim epi erngii ek ei ninand mon! Ba pe, na konu turii moł kunum ełe, enim na ek ekii sik kin, am oł yi nge erngii. Gos enim sipi orung sim ei nge, mund mong erik kin tungu erngii. Yi erik kin, kongun dinga erik mułangin kin, Gos enim noman konj ka epi enim ngumbii nirim epi ei, ngang singii. ¹³Enim piinmin ei, Gos enim noman tuk ełe kongun erpi mołum. Nga Gos eim noman ełe, enim noman tuk ełe kindim. Kindang kin, nga Gos eim noman palim mił, yi kongun erik mułngii. Yi erik mułangin kin, Gos enim kan ka kenmba.

¹⁴Enim epi pei enmin oł ei nge ek mił enmin oł ei ni, kis piik, kii sik enmin oł ei ni, pei si kindik kin, er mułngii. ¹⁵⁻¹⁶Yi mił erang, enim oł yi mił erik kin, enim kun ka mułngii. Nga pund mong endi, enim kin pinermba mon! Enim Gos kingam noł mendpił mułngii. Nga enim noman tuk ełe, orpuł mił endi pinermba mon. Enim ek wumb noman konj ngołum ek ei, ambil gii nik mułngii. Ei molk kin, wumb tiłap eipi pii gii

ninenjing wumb eŕe, enim tuk molk kin, dup miŕ tiŕang erang kin, ya mei eŕe wumb oŕ kis eŕmin wumb ei, kin muŕngii. Muŕangin kin, nga Kraiŕ Owundu tonu omba kunum ei, na enim kin pei ka piimbii. Piip kin, na noman eŕe yi piimbii ei, na kongun wii miŕ erip kin, nga nam nge dinga ei, wii miŕ kindip ermbii miŕ mon!

¹⁷⁻¹⁸Enim nge pii gii ei, Gos kin kuŕmaŕ kaŕiŕmin miŕ yi paŕim. Nga kuŕmaŕ kaŕiŕmin poru nimba epi eŕe, noŕ wain bein toŕmun. Yi peng kin, na miyem eŕe, noŕ wain miŕ bein tok, enim kuŕmaŕ kaŕiŕmin poru nimba erang bein tok kin, tonu kindnjing pim kin, ei epi wii miŕ. Ei na ka piimbii. Keimi, na enim kin ka piip ngumbii. Nga enim yi miŕ ku, ka piingii. Enim na kin ouni ka piipin muŕmun.

Timosii Nge Ek

¹⁹Ba na Jiisas Owundu pii gii ninj kin, kapŕi Jiisas eim noman eŕe yi piim kin, kunum olt mon, na Timosii kindamb kin, enim kin omba. Nga Timosii orung opu, enim ek na kanpi neng piimbii. Piip kin, na ka piimbii. ²⁰Na nge wu Timosii miŕ, nga wu endi mulaŕim mon! Eim na kin noman ende sep ngoŕum. Ngopu kin, eim nge noman tuk eŕe enim paki tumbii ni dinga piŕim. ²¹Wumb eipi pei, en enim noman eŕe epi ei, minj tep ka er moŕuŕmun. Molk kin, Jiisas Kraiŕ nge kongun ei, tep ka enaŕmin mon. ²²Ba enim wu Timosii eŕim oŕ ei piinmin. Timosii eim oŕ kun ka eŕim wu. Eim na Kraiŕ nge ek ka kongun erir konu eŕe, eim na paki toŕum wu. Ei eim yi erim ei, wu endeim kingam ei, eim arim paki toŕum miŕ, Timosii na kin yi eŕim. ²³⁻²⁴Pe na kan ngii eŕe tor op piip kin, na Timosii kindamb kin, enim kin sikir omba. Pe na pii gii nind ei, Jiisas Owundu eim andŕam endi top simba. Nga kunum aninga kopur na yi ku, moŕup kin, nga enim kin ombii.

Wu Epaproraisis Nge Ek

²⁵Na nam piip kin, wu Epaproraisis kindamb kin, enim kin omba ei, sinim nge enginpin. Na kongun ende wu ei, siŕ opu ende eŕmbiŕ wu. Ok enim eim kindangin kin, na kin opu ei, enim nge men ek niŕim wu ei, na paki toŕum. ²⁶Eim nge noman eŕe, enim kin opu kenmbii ni piipi kin, noman embin topu moŕum. Eim ening paŕim enim piinmin ei nge, eim noman embin to piinim. ²⁷Keimi, ok eim ening pim. Peng kin, eim kuŕmba mandi erim. Ba Gos eim kin kaimb sim. Ba Gos eim kin mendpiŕ, kaimb sinerim mon! Gos na kin kaimb sim ku. Gos eim oŕ embin tui ei, na kin pei tonu omba ei, mon ni piipi kin, na paki tum. ²⁸Yi miŕ ku, na nam noman eŕe, na Epaproraisis eim kindamb wang kin, enim nga kan ka kanik piingii. Ka piyangin kin, nam noman embin ei, aninga mani miŕ ba ku. ²⁹Gos Owundu kin ka piik ngok kin, wu Epaproraisis omba nge, ka piik sik kin, enim eim kin noman ka piingii. Wu yi nge, enim embe ambiŕ

tonu kindngii. ³⁰Wu ei, Krai nge kongun er pupu kin, kułmba mandii erim. Eim konj mułmbii ni piinerim mon! Eim kongun ei piipi kin, enim kapli na paki tunenałangin kin, eim ni piipi kin, na kongun paki topu poru niłang.

Krais Kin Pii Gii Ninim Wu Ei Wu Kun Ka Mendpił

3 ¹Angnan noł! Na ek ei yi mił połup poru nimbii end. Enim Jiisas Owundu kin noman ka piingii. Na pipe ei nga polt ei nge, na noman embin topu poland mon. Nimbił erang na pipe nga ei, połup enim ngond ei, na enim kin paki top ngond. ²Wumb kung owu mił, oł kis kanim kanim ełmin wumb mołmun ei, enim kanik kun erik mułngii! Nga wumb ei nge, lo ek ekii sik kin, ngenj kopsik ełmin wumb ei enim kanik kun erik mułngii! Wumb ei ngenj kopsik ełmin oł ei, andan tonum wumb ei, Gos nge wumb. ³Ba sin sinim noman tuk ełe Gos nge Gui Ka ełe mułang kin, sinim andan topu kin, sinim Gos nge wumb mołmun. Yi mił Gos embe ambił tonu kindpi kin, nga Krai Jiisas kin ouni embe ambił tonu kindmin. Sinim ngenj kopispin oł ei, sinim nge pii gii ei, paki tunanim mon. ⁴Pe na nge noman ełe yi pim kin, ngenj ełe oł ei, na Gos sipi orung simba nge andłam endi sałim ei, na kapli paki tumba. Nga wumb kombur ngenj ełmin oł ei, sin kapli paki tumba ni, pii gii ninmin ku. Ba na nam noman ełe, am mendpił, yi mił to piimbii. ⁵Piyamb nimbił erang kunum angii orung nga tekliki o pang kin wumb kombur na ngenj kopsik. Na Esrel nge wu. Na Benjamin nge tiłap wu moł. Eipru wumb ei na miyem ende. Na lo ek ei, na am keimi ekii sił wu. Ba oł ombu ei nge, na Gos sipi orung sinermba mon. ⁶Gos nge kongun ełe, na dinga kindip kin, ekii sip enj. Na Gos nge wumb ei, oł embin tui ngop endinj. Nga yi ku, na wu endi na lo ek ekii siłim min, nip kii simba ei, na mong endi pinermba mon. ⁷Ba epi pei sałim ni, na embe ambił tonu kindngii ei, epi wii mił ni piind. Nimbił erang, Krai mendpił mołum ni piind. ⁸Jura wumb oł ei nge, na piip ninenj mon. Nimbił erang Krai Jiisas eim na nge Owundu mołum ei na piind. Pe na ni piind ei, Krai kin pii gii nipin enmin ei, keimi ni piind. Na Krai nge oł ei ekii sił. Sip kin, oł eipi eipi pei si kindip, epi pei ombu, epi moł wii mił, ni piind. Yi erip kin, na Krai eim, am ambił gii nimbii ni piind. ⁹Pe na Krai kin dambiltip ende pup moł. Lo ek ełe, na wu kun ka eł wu nimba ei, na piinermbii mon! Nam oł yi nge eł, embe kun ka piimba ni piind. Piip kin, Krai kin pii gii nind ełe nge, Gos eim na pii gii nind ei, eim na wu kun ka nimba. ¹⁰Na Krai am pii pol tumbii. Nga eim angpi konj tonu om. Kunum ełe, na Krai eim nge dinga ei, na kenj. Na eim nge dinga ei, pii pol tumbii ni piind. Na Krai eim kin ende pup kin, eim ngenj kumbii sinim ei, ouni simbii ni piind. Eim Gos kin ekii sipi, piipi kultum epi ei nge, na eim piip kin, yi ku ermbii ni ambiłip gii nip moł. ¹¹Na dinga kapli erim kin, na oł yi mił erip

kołup kin, nga tukpu ele, nga op konj pup kin, Krai kin epin konu ele bii ni piind ku.

Pol Eim Sikir Pupu Kin, Epi Ka Wii Ok Sitim

¹²Na yi mił ni piinand. Nam Krai nge ełim oł kun ka pei sip poru ninand mon! Ba oł ei nge, na kongun dinga erip ambił gii nip moł. Yi erang kin, Krai Jiisas eim yi mił erpi kin na ambił gii nip mołum.

¹³Engnan no! Krai nge oł ei, sip poru nip moł ni, piinand mon. Ba na noman endeim mendpił pałim. Na oł ok nge kanim kanim pei enj ei, si kindip poru ninj. Si kindip kin nam kongun dinga erip ekii se, epi ka wii tonu omba epi ei, simbii ni piip end. ¹⁴Na andłam dinga sikrił ei nge, sikir pup kin, epi ka wii ei yi mił, Krai Jiisas nge noman konj ka wii ele mendpił, simbii ni piind. Nga epi wii endi mon. Gos Krai kin na wii topu sipi kin, orung sim ei, na epin konu ele tonu bii ni, wii topu sim.

¹⁵Pe sinim nge noman ele, Gos kin noman dinga Gos nge wumb mendpił mił pim kin, pe na ek ninj mił ei, ekii singii. Ba enim noman endi eipi pim kin, pe Gos eim enim noman ele, kapłi andan topu kin, er kun ermba ku. ¹⁶Ba sinim Krai nge oł kun ka wii sinjpin oł ei, am ambił gii nipin mułmun.

¹⁷Engnan no! Enim pei na end mił oł ei, pei ekii sik, erik poru nei. Nik kin, wumb oł kun ka yi nge enmin ei, kanik kun erik kin, enim oł ei ekii sik, yi er mułngii ku. ¹⁸Na ok, enim kunum kunum kanip ek ninj ek ei, nga enim kanip nind ku. Pe na ningił ele ke nind. Wumb pei Krai nge ond peri ele kułum ei, wumb opu orung mił enmin. ¹⁹Wumb ei, en enim nge ngenj noman ele, gos mił to tonu kindmin ni, yi piinmin. Wumb oł singambił pałim epi ei, en enim noman ele, ka ka piik enmin. Erik kin, nga mei ele epi kis ombu, noman to piik er andinmin; ba wumb ombu nge, dup konu ele, ngenj kumbii dinga singii. ²⁰Ba sinim, epin konu nge, wumb mendpił mołmun. Owundu, Jiisas Krai tonu epin si kindpi kin, mani mei ele omba nge, enim kui er mołmun. Mułangin kin, opu eim sinim sipi, orung simba ei nge, sinim kui er mołmun. ²¹Pe nga Krai opu kin, sinim nge ngenj wii ei erang kin Krai nge ngenj konj ka wii, yi mił simba. Seng kin, sinim Krai nge tiłang owundu ei mił, sipin mułmun. Nga eim nge dinga ele erang kin, epi pei ei, eim kin mandring mułangin kin, eim tep er mołum.

En Enim Noman Ende Sek, Noman Ka Piik, Noman Ka Singii

4 ¹Angnan no! Krai nge oł yi mił pałim ei piik kin, enim Jiisas Owundu kin dinga angk mułngii! Na ek nind mił mułngii. Na enim kin noman ngoł. Ngop kin na enim kin kaimb sił, nga enim na kin noman ka piik ngangin kin, enim na nge noman ka puł mił, wumb ka mołmun.

²Ełip Yuoriya kin Sindikii ełip amb tał ełip piyeł. Ełip Jiisas Owundu kin noman ende singił. ³Pe nim na nge kongun ende wu mendpił. Na nim

kanip ek nind. Nim amb tał ei paki to! Amb tał na kin, Gos nge ek ka eł, tep topun kongun ka er endinjin. Pe Klemin ni, na nge kongun ende wumb ni, amb tał kin kongun ende enjing. En enim nge embe ei, noman konj singii pipe ełe pałim.

⁴Kunum kunum enim Jiisas Owundu kin dambiltik ende puk ei nge, ka piik ngungii. Na ek nga nind ei, enim Jiisas kin ka ka piingii!

⁵Wumb pei enim kin piingii. Enim wumb eipi kin, oł emin ka ełmin. Nimbil erang Jiisas Owundu mandi orung omba enim. ⁶Enim epi endi kin, noman embin kulerngii mon! Ba enim eipi epi endi simin ni piik erngii ei, enim Gos kin prei erik, kii sik, eim kin kunum kunum noman ka piik ngok, yi erngii. ⁷Gos nge noman emin ka oł ei, sinim ngołum ei, mei wumb pei noman dinga ei to mani kindnim. Nga Gos nge noman emin ka oł ei, sinim Kraiss kin dambiltipin ende pupun mołmun nge, noman tuk ełe ni, noman ei Gos tep ka er mułmba.

⁸Engnan noł! Na ek endi nga nimbii end. Oł pei ei oł keimi ni, pe nga oł ei nge, noman ka wii er pałim ni, nga oł kun ka ni, nga oł kis endi penj mulatim oł ei ni, nga oł ka wii ni, nga oł kun ka ei nge embe ka pałim. Nga oł ombu pei, eim oł kumb ełe oł pałim ei ni, nga oł ombu pei wumb embe ambil tonu kindinmin, oł ombu nge pim kin, enim kunum kunum noman ełe piik er mułngii. ⁹Oł ombu pei, na enim nip andan top ngunj ei, sik poru ninjing. Nga oł epi pei piik kanik, er poru ninjing oł yi nge, enim kunum kunum yi erngii. Yi erangin kin, Gos noman emin ka sinim ngołum ei, enim kin ouni mułmba.

**Pilipai Wumb Epi Ka Ei, Wii Ngunjung Ei,
Pol Eim Noman Ka Piip Ngum**

¹⁰Na noman ka owundu piip kin, sinim nge Owundu ngond. Pe nga enim na kin noman nga to konj keimi ok, enim na piik; ba enim ongii nge andłam endi sineririm. ¹¹Na epi endi sinałim nip kin, yi kii sinand mon! Na oł yi nge, ei piip poru ninj. Pe oł kanim kanim na kin tonu om kin, na oł ei nge, noman to piinermbii mon. Na noman ełe epi ombu ei, kapli ni piil. ¹²Na wu endi epi sinałim mił, yi na ka piip muls. Mołup kin, na epi pei ambil gii ni ka piip muls ku. Wumb kuni pei nołmun oł ei, na ka piip moł. Nga wumb kuni tołum oł ei, na ka piip moł ku. Wumb epi pei seng mołmun oł ei, na piind ku. Nga wumb epi sinerang er mołmun oł ei, na piind ku. Na kunum kunum konu orung orung pei, na kapli oł pei ei, kapli ni ka piip moł. ¹³Kraiss eim am dinga ngołum. Nga eim nge dinga ełe, na epi pei kapli ermbii.

¹⁴Ba enim oł ka erik kin, na kin paki tok kin, na embin tui ko wupun ei sinmin. ¹⁵Pe enim Pilipai konu ełe wu amb, en enim yi mił ni piinmin. Ok na Gos nge ek ka ni tor kindip endinj kunum ei, na na andip pup kin, Maseroniya konu ełe tor punj kunum ei, Gos nge tiłap wumb endi, nga

na kin o ende punenjpin mon. Nga epi ka ngok ełmin oł ei, endi enenjpin mon ku. Ba pe enim mendpił, oł yi enmin. ¹⁶Keimi, na Tesalonaika konu ełe muls kunum ei, enim yi ku na kunum endeim paki tunjung. Nga ekii se, enim na paki tunjung ku. ¹⁷Pe na nam ka wii epi endi enim kin simbii nip kin, kan sinenj mon. Na noman ełe ei, enim nge oł ka ei, Gos nge epi ka wii enim ngumba. Ngang kin, enim epi ka wii ei singii. Nimbil erang enim na paki tunjung. ¹⁸Ba am epi pei, na kin am kapli er sałim ei, na sinj poru nim. Na ngii konu ei, epi pei piki to mołum. Enim nge ka epi wii ngok kindnjing ei, Epaproraissis ngangin kin, tu wum ei, na sinj. Epi ka wii ngunjung ei, Gos kułmał kalilmin muru ka tołum mił, yi pałim. Epi ei, enim Gos ngunjung ei, Gos eim epi yi nge siłim. Pe Gos eim noman ełe ka piiłim. ¹⁹Na nge Gos ei, eim epi kanim kanim ka wii Kraiss Jiisas kin sałim. Pe nga enim epi endi sinarpi nim kin, Gos eim kapli enim kin ngumba. ²⁰Gos ei Gos, sinim nge Erinjpin Gos. Yi peng piipin kin, sinim Gos eim embe kunum kunum ambil tonu kindmin, ei keimi!

Ek Aninga Kopur Nga

²¹Kraiss Jiisas nge wumb ei kin, na ek ka nip 'Mułeyo' nind! Angnan noł! Na kin mołmun ei, enim kin ek ka nik, 'Mułei,' a nik ngonmun.

²²Gos nge wu amb ni, wumb pei enim kin noman ka piik ngok, "Enim mułeyo!" ninmin. Wumb kombur king owundu Sisa ngii ełe kongun ełmin wumb ei, en enim dinga puk kin, 'Enim mułeyo!' nik yi enmin.

²³Jiisas Kraiss Owundu nge noman ka ei, enim kin mołpu kin, enim noman tuk gui ełe, paki tang kin, ouni mułngii.